



QUÆSTIO MEDICA,

QUOD LIBETARIIS DISPUTATIONIBUS

manè discutienda in Scholis Medicorum, die

Jovis 12. Februarii 1722.

M. GABRIELE ANTONIO JACQUES,

DOCTORE MEDICO PRÆSIDE.

An ex negato Veneris usu merbi.

I.

RESCITE & multiplicamini: non facta, sed nata Lex: jugum suave, non violentum: obedientia pro dulcedinis ratione. Ideo & sexuum diversitas, & ad usus generabiles organa congrua, & maris feminaeque in quovis animantium genere ad invicem comparatio, & in invicem fruendos propensio. Blandum societatis vinculum. Ex usu voluptas ne fastidium avocaret, fecunditas ne inani delectamento inhiaremus, generis propagatio ut in genito genitores reviviscerent, quamdamque perpetuitatem adipiscerentur, usum natura instituit, ratio moderatur, Religio consecrat, vitiat libido; ex moderato sanitas, ex honesto decus, ex nimio debilitas, ex vitio infamia. *Concubitus eque nimio concupiscendus, neque in eis perimiscendus.* Raro pauci, multi crebro peccant. Si libidine victus, dominante cupidine servus in Venerem infans, quantas in corpore procellas excitas? quàm turpes? quàm perniciosas? quàm & corpori paulatim exhauriendo inimicas, & animo adversus veritatem virtutemque sensim caligaturo funestas? Dulce malum, sensu delectabile, irrepit blandè, in novissimis mordebit ut coluber, & quasi regulum venena diffundet. Testiculi, vesiculæque feminales suo liquore si turgeant, excusso pudore pruriunt organa; nervi sollicitati blando motu, fibræ vellicatæ toto passim corpore communicant impressionem; mens intenditur, excutitur è tranquillitate imaginatio; commota animi contentione, oscillatio vehementior, commotio diuturnior. A cerebro ad organa genitalia, ab his ad illud, mutuâ & communicatione & percussione, mens & coprus afficiuntur. Fibris eâ perturbatione jactatis, an liquores aut torpere, aut naturali sanâque fluctuatione stagnare intra receptacula vel intra alveos manare possunt? proruit violento impetu sanguis, profluit lymphæ, semen in conceptaculis suis fit concitatus atque tumultuosus. Æstare corpus, vulnus ali venis, cæco igne carpi homo incipit, *cum est mollis fiamma medullas.* Amorem nutrit & accendit ætatis breve ver: nulla tamen aut naturæ pravae debetur, aut ju-

17.



2

venturi lascivienti indulgentia : sapiens ad conjugale litus appellet ; si quem depuduit , infami Venere volutabitur ut amica luto fuis ; si lex , si vitæ conditio vetabit , quominus licitè Venere utaris , malum *dutum* , sed *levius sit patientia , quidquid corrigere est nefas* .

II.

QUANTOS inquieto corpus æstro tumens allidit animo fluctus ? Hinc vel stupet in unam defixa rem anxia , vel in lætas errabunda cogitationes , impotens sui mens evagatur ; hinc morositas vel hilaritas intempestiva . Putas tot inter jactationes integram posse consistere sanitatem ; cum vicissim & organa genitabilia mentem , & percussa mens sollicitabit organa . Nimirum intumescunt , unde nervi distenti plus æquo , membrana nimio perè tractæ , partes à naturali statu degeneres , morbo creando opportuna rudimenta : rursus semen ipsum , fluere identidem natum , suapte sponte stagnare ineptum , evaporescentibus partibus tenuioribus morâ crassescit , subolidum evadit , nec generationi benè idoneum , nec sterilitati prorsus addictum , sed & subsidet cum inquieto pruritu . Corruptio optimi pessima . At enim tantula perfectissimi liquoris copia , vesiculis clausa suis depravari non potest . Cernis quotidie ut capiant vitium , ni moveantur , aquæ ; ut ova suo cortice inclusa , longo post exclusionem tempore fiant & ad generationem inepta , & ad cibos inluavia , & ad valetudinem incommoda . Feles fœminæ , nisi statò tempore marem admiserint , quanto furore , quantâ vesaniâ desipiunt ? Passeres , libidinosa animalcula , negato Veneris usu , quantum insaniant , ut vel Venus vel mors insaniam compescat ? Nonne observatum , columbas omnes , quæ conjugè carerent , interire ? Nonne varia alia animantia , Psittacos , Cassoware major omni exceptione narrat testis oculatus Harvæus .

III.

NEC adversatur experientia rationi ; quin alteram altera funditus stabilis . Venus in juvenibus animalem , vitalem , & naturalem facultatem roborat : animalem per motum expurgat , & seipsum excitat ; naturalem per evacuationem superflui ; & vitalem per lætitiâ . Id quidem pronuntiatum velut ex tripode : nam nisi suo motu singulæ partes exercentur , eæ languent , & contracto situ , inducuntque malâ labe ob inertiam , hebescent , non modò vitium ipsæ inducunt , sed & in vicinas venenum imbibitum paulatim derivant ; utilis quoque est homini lætitia , ea verò quæ ex legitimâ Venere percipitur suavitas , magnam habet in nostrâ lætitiæ partem . Dum non libidinosa cogitatio nos excitat , sed ipsa natura consequens videtur ut ipsa velit se humore superfluo , & , si restiter , noxiò , exonerare : non ita si mens sollicitet venerem ; namque erit forsitan istud non naturæ officium , sed mentis vitium . Sed quid dicemus ? si in meditationibus veneris (quæ nunquam possunt abesse , ubi adest nimium in corpore semen) cum mœstitiâ (quæ pariter semper adest , ubi deest Venus necessaria) excrementorum perspirabilium portio crassa retinetur , magnum jam morborum irritamentum) , quæ evolante tenuiore , adhuc crassiora & frigidior sit , (unde obstructions , lentiores , malaque ferè innumera) ; hæc (materies frigidior & crassior) si colligatur , ferè invincibilem inducit frigiditatem in capite , (hinc melancholia , stupor , hebetudo) , præterea palpitationem curatu difficilem in corde vel aliis membris (ob varias ab æstro venereo convulsiones) . Si verò attendamus ingenia eorum , qui Venere vel justâ nunquam usi sunt , facile intelligemus quid

Exercit. 5. de ger. anim.

Sanct. stat. 6. aph. 3.

Idem sect. 7. aphor. 16.

3
possit & moderata Venus ad leniendam indolem, & neglecta prorsus ad
effendam exacerbandamque mentem: quicumque enim, absit ut di-
cam, effusa veneri indulserunt, sed honesta & casta litaverunt, ii solent
esse natura & ad misericordiam procliviori, & ad comitatem urbaniori, &
ad modestiam compositiori; dum verò quidam licitas voluptates quasi
sceleratas aut refugere aut refugisse volunt videri, ii sectantur asperita-
tem gravem & inconcinnam, quæ se commendat rugosâ fronte, mente
implacabili, sermone horrido, gestuque toto effero. Adco valet casta Ve-
nus ad vitia vitanda; ad virtutes ipsas colendas! Ipsa enim virtus blan-
do non aspero, leni non tristi, modesto non superbo, dulci non amaro
nos jugo addicere amat.

IV.

VIRTUS est medium vitiorum, utrimque reductum. Atqui Venus
nimia corpus exhaurit, mentem hebetat, pigritiam, languorem;
inappetentiam inducit, affigit humo divine particulam auræ; inde *μαε-
ρὸς, εὐχίος, ἀρεσία*, macies, laxitas fibrarum, crassities humorum: ergo
si multâ quis Venere utatur, evitatâ Charybdi incidet in Scyllam, con-
trariorum enim contraria, affectio, effecta, quandoque in Cælibe corpore,
robur nimium & noxium, mens imperitæ & stolidè ferociens, hilaritas
importuna, vigor indocilis, habitus rigidior, fibrarum tensio incommoda,
humorum denique volatiliior indoles: proinde stat in moderatâ Venere
aurea mediocritas: quin etiam si tali modo usurpetur, animus evadit sa-
nior, hilarior, concinnior, ad jocos, ad seria aptior, virtuti ipsi habitior;
si licita, nullatenus inecatur, aut in vero investigando, in recto sequendo
mens inquietâ sollicitatur titillatione, aut, si non adest, jam vel semivir
quis, vel femina sterilis, & ideo uterque cælibatui idoneus, quia uterque
conjugii ineptus: *nunc quos aquos amâvis? supiter, aut ardens evexit ad
aihera virum*; ebullientem cupidinis æstum lenire & sopire, nulli extin-
guere ac delere prorsus potuerunt. Res incognitas ex perspectis æstima.
Ad generationem tentandam non solâ liberorum tollendorum dulcedine,
non solâ rei voluptate excitat natura, sed & rei ipsius ad sanitatem tuen-
dam utilitate, ad morbos præcavendos opportunitate, ad morbos quan-
doque sanandos necessitudine dulcedinem armavit. Voluptas ita corpo-
ribus inest nostris, cum in optimâ sunt conditione, malam dolor lan-
guorve comitatur: illâ, quæ corpori sunt accommodata sano percipimus;
illo, quæ noxia judicamus; nec ullo alio iudicii argumento altera ab al-
teris scernimus: ergo voluptas in Venere significat rem sanitati confer-
vandæ accommodatam; & si languor aliquis subsequi solet, is non tam
ab usu, quàm ab abusu proficiscitur; si quis enim moderatè & leniter
utatur, non dolor sed voluptas, non languor sed hilaritas, non gravitas
sed levitas quædam corporis nascitur; ut rectè monent Medici, & ex-
periuntur conjugati.

V.

QUID præterea: Puella jam conjugii potens, quos toto corpore
æritus experitur? Ubi natura finem destinatum obtinuit, quiescere
amat, eniti donec obtineat: at puella calere, frigere, languere, invales-
cere, potuit veneris liquor varios intus stimulos aut admover aut com-
pescit: eo nervos ad partes generationis protensos irritante, toto corpore
impulsus vigent turbulenti, *αἷμα ὁρμηκόν*: eo trans membranas in va-
sa, in liquores alios regurgitante, & sanguis non integer, & lymphæ de-

4

pravata : hinc mœror, *λαμπύμας, αἰσθησις*, febricula à stimulo cupidineo amatoria dicta ; hinc *χλωρόσις* virginea, dum infecti humores per cutem fusi colorem pravum, album, flavum, pallidum, fuscum conciliant : quæ mala concubitu sanabilia. Si illos retentum semen effectus prodit in extimâ corporis cute, quid intra viscera efficiet, ubi & communicatio vicinior, & actio potentior, & partium structura mollior? Virgines plerumque hysterica, morosa, morbosâ, ab obstinatâ virginei decoris custodiâ. Quid? puer, cùm vestit tenui lanugine malas, ut fervet! Quàm huic crebra, sæpe involuntaria tentigo : adde quod mares feminaeque sine discrimine invadant idem morbi, febris mulierosa, pravus color, tristitia, inappetentia, syncope, marasmus : femineo consortio mala egregiè curabilia. Morbusne aut nullas ubi tot mala, aut non imminet terribilis. Gliscens intus furor subito acriùs exardescit, si pulchri vultus conspectus, si comitatis blandâ urbanitate, si lentâ otii tranquillitate, si potius generosi ac copiosi suavitare, si cibi optimi & gratè lapidi saturitate, si longo quietoque somni torpore fovebitur, educabitur, corroborabitur : quid? quod sunt ingenia ita comparata sive per nativam conformationem, sive per hereditariam lasciviam, sive regionis, institutionis, dietæ, inertiae vitio, ut in Venerem prorsus persurant : ii sanè cupidinis armis vinci dociles, qui regione calidâ nati atque educati, qui aëra herbarum aromaticarum odoribus suffutum ducere soliti, qui genio, otio, inertiae, garrulitati, quilibet videndi, audiendi dicendique prurigini indulgere sueti, qui seria spernere, jocos nugasque sectari prompti, qui de se magna sentire, alios aspernari proclives. Imò verò ea est feminis intra vasa coerciti nonnunquam tumultuatio, ut sui impetûs signa indubia toto corpore prodant : aliquando oculi incerto obtutu vagi, genæ rubro-pallidæ, vox ipsa balba, respiratio nonnihil suspiciosa, gestus, incessusque, & corporis habitus vel trepidatione vel languore Venerem denuntians, eaque omnia per nervos organorum genitalium, qui cum ramis nervosis ad universas ferè corporis partes divaricatis sociantur. Ne dubitemus adhuc à negato Veneris usu varios oriri posse morbos, cùm exinde tanti in machinâ corporeâ motus ciantur, tantæ excitentur procellæ, eversoque officiorum ordine, dirutâ partium sanâ & naturali conspiratione, summa imis immutentur? Hinc non Appollinis magis verum atque hoc responsum ;

Ergo ex Veneris negato usu morbi.

Domini Doctores disputaturi.

*M. Joannes Bessé, Medicus
Domus Regiæ.*

*M. Joannes Baptista Thomas Martineq, Scholæ
Professior.*

*M. Joan. Benignus Voins-
lovv, Regiæ Scientiarum
Academiæ Socius & Gal-
lica Chirurgiæ Professior.*

*M. Antonius de Jussieu,
Regiæ Scientiarum Acade-
miæ, & Botanices in Hor-
to Regio Paris. Præfissior.*

M. Franciscus Pouffe.

M. Ludovicus Guilloi.

*M. Joannes Baptista Silva,
Serenissimæ Ducis Borbo-
niæ Medicus ordinarius.*

*M. Thomas Bernardus Ber-
trand.*

*M. Joan. Bapt. Fermelbnis,
in Regiâ Artium Acade-
miâ Socius honorarius.*

Proponebat Parisiis ANTONIUS CASA-MAJOR, Benearenensis,
Baccalaureus Medicus, A. R. S. H. 1722. à sextâ ad meridiem.

*cette Opere n'a point été soutenu, comme M.
Goussier l'a annoncé sous son Seing, chronologique p. 80.
elle a été remplie par son élève.*